

Landesbibliothek Oldenburg

Digitalisierung von Drucken

Disputationes Chirurgicæ Selectæ

Haller, Albrecht von

Lausannæ, MDCCCLV.

VD18 90538889

Vorwort

urn:nbn:de:gbv:45:1-16577

P R O O E M I U M.

Nihil quidem frequentius apud medicos chirurgosque imprimis, repe-
ritur, prompta tetrici cancri extirpatione: sed nihil tamen ea-
dem esse ut plurimum incertius, damnosius & periculosius, simul moestio
cum corde fatendum est. Adeo enim usque immite atque intractabile pro-
fus abominandi illius mali plerumque esse solet ingenium, ut nulla fere hu-
mana ope & arte superabile sit, unde verissime quondam cecinisse videtur:
notissimus ille feliciore ingenio, quam fato, poëta Sulmonensis:

*Ulceris id genus est, quod, quum sanabile non sit,
Non contrectari tutius esse puto.*

Profecto, ne potentissima quidem nature & artis instrumenta & prä-
fida, ignis nempe atque ferrum quidquam sèpius valent ad fecundam il-
lam & immortalem quasi luem penitus extinguendam. Neque enim atro-
cissima illa pestis exscinditur ferro, aut exuritur igni; quin potius,

*Per damna, per cædes, ab ipso
Dicit opes animunque ferro:
Non Hydra, scèto corpore firmior,
Vinci dolentem crevit in Herculem.*

Quam hydra illa cancerorum plus quam Lernæa in medicos chirurgosque
vinci dolentes, aductis subinde viribus, ferociter insurgit, omniaque il-
lorum machinamenta, quantumvis valentissima, eludit atque retundit,
Tam late enim serpit dirum istud immedicabilis mali contagium, ut, licet
uno loco, vindice ferro, resciuum fuerit, mox tamen altero, acrius re-
surgat, immo & hoc repurgato, paulo post tertium, quartumve sedisli-
ma sua tæbe infestet & contaminet, ita, ut in hoc numeroso & feraci ma-
lo plane eradicando, una fere salus sit, nullam prorsus sperare salutem,
& maxima hic scientia medica pars esse videatur, sanare non posse, uti scitè
loquitur Quintilianus. Non enim eo ipso solum loco, ubi pestiferi illi li-
ventes ac subfusci cancri ramicæ latius dispersi conspiciantur, propria ac
destinata ejusdem sedes esse deprehenditur: sed per omnem potius corporis
affecti & infecti ambitum, ubi musculi, pinguedines & glandulæ potissimum
depositæ sunt a natura, latissime circumspersa latent contagiosa cancri
edacis semina exitium paritura: inde sèvum virus

*urit corpore serpens
Quamcumque arripuit partem, reptitque per artus.*

Mutua namque tæbe mox omnia inficiuntur, & extirpato uno cancro,
O o o 2 por.



protinus alibi aliter, immo & tertius, ut dixi, fæda fætura succrescit, exhausto nempe sic mali inexstirpabilis rivo, non ipso integro ejusdem fonte obturato. Unius igitur cancri extirpationem plerumque alterius esse generationem, ex his ipsis sequentibus tribus exemplis notatu certe dignissimis, à Dn. Præside quondam, cum cura observatis, nunc, spero, liquidius patescet.

HISTORIA PRIMA.

Fabro cuidam ferrario, annorum XLVI. oris pallidi, corporis macilenti, exsanguis & debilis, forte in labio inferiore, enatum erat exiguum tuberculum, mediocris lentis, aut pisi magnitudine, nonnihil durum, colore lividum & quandoque leviter dolens: hæc nempe erat venturi prima favilla mali. Quod quum ille sèpius, ut fieri solet, manu improba incautius contrectalset, atque subinde compressisset; paulo post accidit, præter omnem spem & opinionem, ut exiguum hoc primam frontem, malum mox acrius exasperaretur, dolores vehementius increcerent, illudque parvum modo tuberculum in patentiores ambitum sese latius explicaret, adeo usque, ut ipsum totum labium fædo admodum aspectu, alte intumescere, lividam duritatem indueret, atque denum per ruptas passim sua sponte fissuras, sanguinem atrum fætidum ac corruptum sensim extillaret.

Futuri ergo metuens quidem; sed gravi simul paupertatis incumbentis onere deterritus, ut medicum peritum, aut chirurgum in arte exercitatum, uti decebat nimirum, tempestive accederet, varia mox ipse adhuc contra augescens malum, remedia ut plurimum domèstica, nunc bona, nunc mala, ut nempe fieri consuevit, nullo prorsus delectu habito: quibus tamen omnibus nihil quicquam proficiuntibus, tandem de salute anxius, in consilium advocavit tonsorem quemdam sibi vicinum, qui, ex pravo nonnullorum istorum hominum more, per mortes & cædes, dira experimenta facientium, mali præsentis ignarus; & futuri improvidus, varia ipsi unguenta & emplastra, quorum virtutes, aut noxas ipse tamen nesciebat, liberali admodum manu, suggestit: sed tam sinistro quidem cum eventu, ut loco sperati promissaque auxilio, omnia potius quotidie in pejus ruerent, ipsumque labium, pereunte prorsus figura pristina, in deformem plane visuque terribilem tumorem attolleretur.

Exacto igitur inter tot ærumnas atque miseras, integro pene anno, tandem infelix iste & expes fere ægrotus me ipsum anno CICCI CCXXXV. accessit, meam etiam qualemcumque opem imploratus.

Vix

